

Iqtisodiy islohotlarning uzoq muddatli strategiyasiga oid masalalar muhokama qilindi



O'zbekiston Respublikasi Prezidenti Shavkat Mirziyoev 2-mart kuni o'zining iqtisodiy taraqqiyot, samarali boshqaruvi va xalqaro hamkorlik masalalari bo'yicha maslahatchisi Suma Chakrabartini qabul qildi.

Uchrashuvda maslahatchi Chakrabartining O'zbekistondagi iqtisodiy islohotlarning uzoq muddatli istiqbolga mo'ljallangan strategiyasini tayyorlash, davlat boshqaruvi tizimini takomillashtirish, mamlakatimizning xorijiy sheriklar bilan o'zaro manfaatli munosabatlarini kengaytirish borasidagi taklif va tavsiyalari ko'rib chiqildi.

Davlatimiz rahbari "yo'l xaritasi" va ustuvor yo'nalishlar bo'yicha boshqa muhim konseptual hujjatlarni birgalikda puxta tayyorlashni davom ettirish va keyinchalik ularni amalga oshirish zarurligini ta'kidladi.

Investisiya va ishbilarmonlik muhitini yanada yaxshilash, davlat ulushi mavjud korxonalarni transformasiya qilish, yuqori malakali kadrlarni tayyorlash masalalariga alohida e'tibor qaratildi.

Eslatib o'tamiz, Suma Chakrabarti O'zbekiston Prezidentining maslahatchisi etib tayinlanishidan avval sakkiz yil davomida Yevropa tiklanish va taraqqiyot banki prezidenti lavozimida faoliyat yuritgan.

Manba